



JOSEFA

le jase ya ditoro

MAPULA MARTHA MALATJI

Diswantšho ka Jonanda Kannemeyer

JOSEFA LE JASE YA DITORO

© 2023 One Heart
Kgatišo ya pele 2023
E gatišitšwe Afrika Borwa
ISBN: 9781776467204

Puku e ka phatlalatšwa ntle le tefo, efela go kgahlanong le molao go e rekiša. Puku e humanwa go www.oneheartforkids.co.za.

Ka tumelelo ya bagatiši, puku e ka abelanwa ka go gatišwa, go fotokhophiwa goba ka mokgwa wa eletroniki. Puku ga se ya swanela go fetolwa ka mokgwa ofe goba ofe. Go kgopela tumelelo ya go gatiša puku o ka ikgokaganya le bagatiši.

One Heart
17 Pelikaan Street
Stellenbosch, 7600
South Africa
www.oneheartforkids.co.za

Mongwadi: Dr. Mapula Martha Malatji
Mothaladīswantšho: Jonanda Kannemeyer
Morulaganyi: Elizabeth Phala
Motlanyi: Imprint Publishing

Dikanegelo Tša Beibele
TESTAMENTE YA KGALE

GENESE 37-47

JOSEFA

le jase ya ditoro

Jakobo o be a rata Josefa go feta barwa ba gagwe ka moka, gobane o belegwe mola a šetše a tšofetše.

Jakobo a rokela Josefa jase ye botse ya mebalabala. Bomorwarragwe ge ba bona gore tatagobona o rata Josefa go ba feta, ba mo hloya le go mo hufagela.







Ka tšatši le lengwe Josefa a botša bomorwarragwe go re o lorile dingata tša bona di obamela ya gagwe. Ba mmotšiša, "Naa o gopola gore o tile go ba kgoši ya rena?"



Josefa a lora gape. A botša bomorwarragwe gore o lorile letšatši, ngwedi le dinaledi tše lesometee di mo obamela. Lebakeng le ba mo hloya go fetišiša.

Ka morago ga nako ye telele, Jakobo a roma Josefa go hlola bomorwarragwe madišong.

Josefa a ba humana nageng ya Dotane. Ba rile ge ba mmona ba gopola go mmolaya. Rubene a re go bona "A re se mmolaye, ra tšholla madi a ngwana bo rena."

Ba mo rekišetša bašemane ba Midiane gomme bona ba mo rekiša Egepeta.





Modimo a boloka Josefa gomme yena a šoma ka maatla le botshepegi. Le ge go le bjalo o ile a latofatšwa ka molato wa maaka a lahlelwa kgolegong.

Tšatši le lengwe kgoši a befelwa a lahlela bašomi ba gagwe kgolegong. Bašomi ge ba le fao ba lora gomme Josefa a hlatholla ditoro tša bona.

Tšatši le lengwe kgoši a lora a bona dikgomo tša go ota diija tša go nona le diako tša mabele a masese diija a go nona. Mohlanka yo mogolo a gopola gore Josefa a ka rarolla toro yeo. Josefa a bitšwa. Kgoši a mmošša toro yela.



Josefa a botša kgoši gore Modimo o mmotša tšeo di tlilego go direga. Dikgomo tša go nona ke mengwaga ya mokhorro mola tša go ota e le mengwaga ya tlala.

A mmotša gore go tlile go ba le tlala gomme setšhaba se swanetše go bea mabele gore ba se tlo bolawa ke tlala. Kgoši a thaba ka go fetišiša gomme ya dira Josefa molaodi wa setšhaba sa Egepeta.



Tlala ya wa lefaseng. Jakobo a laela barwa gore ba ye go reka mabele Egepeta.

Ge ba fihla ba amogelwa ke Josefa. Yena a re go bona, "Batamelang kgauswi le se tšhabe! Ke nna ngwana wa bo lena, Josefa, yola le mo rekišitšego. Le se ke la tshwenyega goba la itshola. Ka gobane ke Modimo o nthometše pele ga lena gore ke tle ke le phološe le malapa a lena".



Thapelo

Modimo tate, ke tla go wena ka leina la Jesu. Ke go kgopela gore o ntshwarele ka mehla ge ke go šitetše. Nthute ke swarele le bao ba ntšhitešego.

Araba dipotšišo go laetša kwešišo:

1. Jakobo o be a rata Josefa go feta barwa ba bangwe.
2. Jakobo o ile a direla Jakobo dieta tša mebalabala.
3. Bomorwarragwe Josefa ba be ba mo rata go fetiša.
4. Josefa o ile a rekišwa.
5. Josefa o be a hlatholla mebolelo.
6. Josefa o ile a swarela bomorwarragwe.

Phuti le Phenyo

Sekolong sa Letlalolanku mphatong wa bohlano go na le bašemane ba babedi Phuti le Phenyo. Bašemane ba, ba na le lebelo ebile ke dinkgwete dipapading. Ge yo mongwe a fentše lehono yo mongwe o tla fenya ka le le latelago.

Phuti o be a sa rate se, gomme a loga leano. Ka tšatši le lengwe ge ba fetša go ikatiša Phuti a tšhela meetse pele ga mojako wa phaphoši. Phenyo o tlile ka lebelo gomme a se bone meetse a le. A wa ga bohloko, a robega leoto. A išwa bookelong.





Ka morago ga matsatši a mabedi a le bookelong a kgopela mma go mo tlišetša dipuku tša gagwe. Yena o ile a thoma go bala le go itlwaetša go dira dipalo. Moo a bego a sa kwešiše, o be a botšiša baaki le dingaka. O ile a tuma bjalo ka mošemanyana wa go rata dipalo.

Ka tšatši le lengwe mooki Lethabo a mo tlišetša papatšo ya phadišano ya dipalo. Diphadišano di be di tlile go swarwa toropong ya ga bo bona. Phenyong a thaba kudu, a botša mooki gore o tla rata go tsenela phadišano yeo.

Mma ge a fihla a mmošša gomme ba dumelelana. Phenyong a tsenela phadišano a ba mofenyi.



Ka morago ga kgwedi tše pedi ge a boela sekolong o ile a direlwa moletlo wa go mo amogela le go mo lebogiša. Moletlong woo hlogo ya Sekolo Mohumagadi Sehlapelo o ile a fa polelo ka fase ga sehlogo "Tshwarelano."

Hlogo o ile a re "Pheny re a go amogela le go go lebogiša ka sefoka sa nkgwete ya dipalo ya Mphatong wa bone nageng ya Afrika Borwa. Re ile ra kwa bohloko ka kotsi yeo e go hlagetšego. Phuti le yena o kgopetše tshwarelo gomme o mo lebaletše.

Re a tseba ke ka baka la lehufa, efela Modimo o be a na le merero ka wena. Bona, lehono sekolo sa rena ga se tsebege feela ka tša mabelo. Se tsebega le ka dipalo.”

Hlogo o rile go realo, bana ka moka ba ema ka maoto ba phaphatha matsogo. Ya ba lethabo gohle.



Thapelo

Modimo tate, ke tla go wena ka leina la Jesu. Go tloga lehono, nthute go hloka mona le lehloyo. O nthuše go sepela tseleng ya gago.

Amen.

Araba Dipotšišo

1. Efa leina la sekolo se go bolelwago ka sona.
2. Efa maina a bašemane ba go rata dipapadi.
3. Go reng Pheny o ile a ya bookelong?
4. O gopola gore ke eng seo se dirilego gore Phuti a gobatše Pheny?
5. Bookelong Pheny o ile a tsebega ka eng?
6. Na wena o ka dira eng ge o ka fetša kgwedi tše pedi sepetelele?

Sešego sa mantšu

Hufega = mona

Morwarre = buti

Nkgwete = mofenyi


Hlatholla = rarolla

Latofatšwa = pharwa molato


Mmolelo

Go tšholla madi = go bolaya


Josefa le jase ya ditoro ke ye nngwe ya dipuku tše 20 tše di bontšhago dikanegelo tše 10 tša Testamente ya kgale le tše 10 tša Testamente ye ntshwa, moo ye nngwe le ye nngwe ya tšona e nago le ditiragalelo-maphelong, di ithekgile ka tša Beibele.



Puku_1



Puku_2



Puku_3



Puku_4



Puku_5




Puku_6



Puku_7



Puku_8



Puku_9



Puku_10



Puku_11




Puku_12




Puku_13



Puku_14




Puku_15



Puku_16




Puku_17



Puku_18



Puku_19



Puku_20

Josefa le jase ya ditoro

Bomorwarragwe Josefa ge ba bona gore tatagobona o mo rata go ba feta, ba mo hloya le go mo hufagela. Bala puku gomme o ithute gore ke gobaneng bomorwarragwe ba mo rekišitše.

Phuti le Phenyo

Pukung ye o humana gape le kanegelo ya Phuti le Phenyo. Bašimane ba go rata dipapadi. Lehloyo le ile la dira gore Phenyo a feleletše a ile bookelong. Naa go tla direga eng ka Phenyo?

Bala puku o ithute ka fao Modimo a bolokago bao ba mo tshepilego.



9781776467204

Sepedi

